

اقتصادیات

نومبر ۱۷

پنجشنبہ

۷ کانون ثانی ۱۳۲۴

سالم، صحیح اساسلره ایتمّا ایتدیرمک فصل ممکن و میسر اولور؟ ایشته قانونلری میز
ملکتمیزک احتیاجات حقیقه سی نه کی اساسلره لزوم کوستریور ایسه اوساسلری
قرارلش دیرقدن صوکره صره سیله تعدیل ایدلسی و بو بایده ذره قدر ائراستعجال
کوسترله سی لاید و ضرور دیر. والا قانونلری میز تذبذبیدن، تناقضدن قور توله ماز.

۲۹ کانون اول ۲۲۴

معمر عزت

فرانسه و انکاتره پارلمنتولری

- ۳ -

بوندن اول درج ایله دیکمز ایکی لوحه دن فرانسه مجلس مبعوثانک تشکلات
اجتماعیه سی ارا نه ایدن لوحه به عصف نظر ایدیکز .

اوج مسلك عملی بی یعنی زراعت ، صناعت و تجارتی کوسترن مستطیلاری
متعاقب شکل مرتسمک ردنبره فوق العاده طاشوب قاباردیغی و نسبتسز برصورتده
اوزادیغی کورورسکز .

فرانسه مجلس مبعوثانده مسلك نظریه اربابی یالکز باشلرینه مبعوثان
ملک علی التقرب اصفی تشکیل ایتمکده درلر . اعضای مجلسک ایکی یوز یتمش
بومسالک منسوبدر . یعنی عددلری زراعت صنعتکارانک و ارباب تجارتک مقدار
مجموعندن ایکی مثلی فضلده در . بوکته عظیمه ایچنده ایسه اک زیاده طیبیلر ،
غزنه جیلر ، مقالات محررلری و بالخاصه آووقاتلر حائر غالبیدر .

شوکتله نک صفوف مرکبه سی آردسینه نفوذ ایدهرک ماهیت عناصرینی
تحلیله چایشم :

مجلسدکی طیب و اجزاجیلرک عددی الی اوچدر . یعنی یالکز بونلرک
مقداری عدد زراعه معادل و صنعتکاران ایله تجارتک عددینه قات قات فاقدر .

عجبا مسلك طبابت جسم جمعی تدای ایچون اقتضا ایدن ملکات خصوصیه نک
نشو و نما سی تسهیل ایدیورده آنک ایچونمی مبعوثانمز (یعنی فرانسه مبعوثانی)

ایچنده مقدار اطبا بومرتبه کثرتی بولمشدر ؟ نه قدر آرزو والتزام ایدلسه اصول مداوات طیبیه ایله اصول مداوات اجتماعیه آمیخته بر تعلق ومناسب کوروله مزه . بر هیئت اجتماعیه نك رفاهیت وسعادتی زراعت ، صنعتکارانك و تجارك عدد و مزیتی ایله طوغرودن طوغرویه مناسبته دار ایدسه اطبا ایچون کیفیت بومرکرده دکلدر .

هیچ اولمازسه صنف اطبا اغتشاشات سیاسیه و اختلالات اجتماعیه نك عکس ضربه سنه زراعتدن ، ارباب صنایعدن ، تجاردن دها یقین دهه زیاده اوله رقی معروض بولسورلر ؟ بویله اولسه ییدی مهالك اجتماعیه نی برطرف ایتك ایچون آنلرده دهه فضله بر عزم واجتهادك وجودی فرض ایدیه بیلیردی فقط امر بر عکسدر . سیاسی بحرانلر مسالك عملیه نی ، معاملات زراعیه ، صنایعه و تجاریه نی سکتهدار ایدر ، بعضاده بسبتون طور دورر . فقط مسلك طبایته هیچ طوقونماز .

طبابتك زمین مساعد اجرا آتی خلقت بشریه نك مصائب جسمانیه سیدر ، هیئت اجتماعیه نك حسن جریان اموری دكل !

طبابت منتسبلرینك مسلککرینه بیوك بر اطراد ایله حصر وجود ایتملر نی مستلزم اولماسنه نظراً فرانسه پارلمنتوسنده اطبانك بو درجه کثرت مقداری شواعتبار ایلده شایان استغرابدر . اطبا ایشلری باشندن اوزاقلا شیرلر سه مشیرلر نی غائب ایتك مخاطر سنه عرض نفس ایتش اولورلر . زیر خسته لر بکله مز .

مبعوث اولان اطبا اکثریتله خسته سز اولان طیبیلردر . چوق خسته سی ، مراجعتجیسی بولونان اطبا بونلری الدن قاجیر مامقده پك زیاده منفعتدار اولدقلرندن انتخابات ایشلریله اوغراشه مازلر . غیر محق و دائماً بی قرار و موقت اولان بر حال و موقع ایچون امین و کارلی بر موقی تهلککيه القا وفدا ایتزلر . بناء علیه فرانسه پارلمنتوسنده کی اطبا مسلککرینده تمایز ایتش قسم کزیده دن دکلدرلر . بو نقطه نظر دده فرانسه مبعوثانی میاننده جدی بر عناصر قوت تشکیل ایتزلر . احوالده عیجا انتخابات انساننده بو قدر چوق قزائمه لرینك سبب وعلقی نه در ؟

بو نقطه‌ی ایضاح ایچون اول بول شو ایکی جهتی نظر اعتباره آلق
لازم کلیر :

اولا فرانسه پارلمنتوسنده کی اطباء مبعوثه نك قسم اعظمی فرقه یساره
منسوبدر. یعنی الی اوج طبیب واجزاجیدن الایسی صول طرفده، یالکتر وچی
صاغدهدر. مسلکک ایجابات تمایلاتی بویله بر نسبتزلکی ایضاحه کفایت ایتمز.
صنف اطباء مسلککربنی ایضا صرستهنده تدقیق ایدیلیر ایسه آنلر میاندده ده موقراط
عنصرک بویله عادتا انحصاری بر حکم و تأثیرینه تصادف ایدیله مز.
اطباء حال و موقعلری مقتضاسی وکنیدلرینه مراجعت ایده جک خسته لرك
مقدارینی دوشورمه مک ملاحظه سنك اثر الحاسی اوله رق بولتیقه ایشلریله آز
اشتغال ایتمکه دها زیاده مئایدلرلر.

بلکه قسم ممتاز اطباءیه داخل اولمایان و عمومیتله آز مراجعتجیبسی بولونان
اطباء مبعوثه ایچون بو مطالعه وارد اوله مار، دیرسکر. کذلک بلکه بو صنف
اطباء اوغرادقلری موفقیتسزلکدن متأثر اوله رق بونك مسئولیتنی جمعینه اسناد
ایدیورلر و بناء علیه بولتیقه عالمنه بر عزم افراط ایله آتیلیدورلر فکرنده بولونورسکر.
فقط بو حالده حال حاضر اجتماعی به قارشى رفع لواى جنك و جدال ایتمکه
فرقه یساردن آشای قالمایان صاغ طرف فرقه سنه نه ایچون کیرمه دکلرینی
ایضاح ایده بیله جک بر سبب کورمه بورم. حتی بو صورتله بالعمک مسلککربجه
دوچار اولدقلری عدم موفقیتدن طولانی هیئت حکومتی انهام و مؤاخذه امکاتنی
استحصال ایتش اولورلر ایدی.

شو صورت محاکمه هیچ بریشی مثبت اولما دیگک دیگر ردلیلی به مشتریسر
آووقتلرك فرقه یسارده اولدینی قدر فرقه یمینده ده حاز کثرت اولماسیدر.
او حالده شو حالى نصل ایضاح ایتهلر؟ اطباء مبعوثه نك هپ صول طرف فرقه سنه
انتسابلرندده کی حکمت حقیقه یی نصل بولمالی؟

بوراده شایان توضیح اولدیغنی سوبه دیکمز ایکی جهندن ایکنجیسنه نقل
نظر ایتمکه کمز ایجاب ایدر. برده اوجهته باقلم :

اطباى مبعوثه نك قدم اعظمى مرا كز زراعيه دن انتخاب و تعيين ايدملش درد .
بوندن نه چيقار ديه جكسكز؟ شمعى تشريح ايدم جكز .

مقاله مزك بدایتلرنده سويله ش ايدل كه فرانسه ده چفتلكلارنده اقامت ايدن
اراضى جسيمه اصحابى بالنسبه محدود و نادر اولوب مجلس مبعوثانده ده بوكيلر
غایت آزدر .

اهالى قرا بونلرى كورمه يه كورمه يه عادتاً اونوتورلر ، طانيامازلر و محبتلرى
آنلردن بحق منسلب اولور . بوكيلر ك مملكته علاقسى آتجق شهرلرده صرف
ايتك ايچون اورانك ياره منى چككم ، چيقارمقدن عبارت قالير . بوايسه بالطبع
اهل قرا نظرنده مظهر انتخاب اولمق ايچون مزيت كافيه عد اولونه ماز . اراضى
جسيمه اصحابى اساساً محافظه كاردر . مجلس مبعوثانده كى موقعلرى ده بوكا دليلدر .
زراعدن اولان (۷۲) مبعوثك (۵۴) ي صاغ طرفده ، يالكز (۲۱) ي صول
طرفده در شو نسبى ذهنكزده طوتيكز . بواصحاب اراضى كويلرى ، چفتلكلارنى
براقوب شهرلره چكيدكلرى زمان نفوذلرني غائب ايدرلر . همده بالطبع خصماى
سياسيه لرى اولان فرقه يسار اعضاسى اهنه اوله رق غائب ايدرلر . بناء عليه آنلر
رينه بوفرقة منسوبنى نائل انتخاب اولور .

شو خصما كيملردر؟ تعبير آخرله مرا كز زراعيه ده زوال حكم و نفوذ
اوغرايان اراضى جسيمه اصحابى رينه كچه كك آدملر نه كى كيمسه لردر ؟ . .
طيبيلر ، مقاولات محررلى ، وكلاى مصالح ، بونلردن عبارت دكلى ؟

فى الحقيقه بواوج صنف كسان اهالى قرا اوزرنده طبيعى و واسع برنفوذ
مالكدرلر . چوق آدمله كوروشور ، طانيشبرلر . سرار عالنه ايچنه كيرلر .
مجاناً سرد آرا ايدمك ، ياخود ياره اقراض ايله يهرك اراز خدمات ايدرلر .

فضله اوله رق اراضى جسيمه اصحابى بولونغاديني زمان كويلر ك قسم منور
اهاليسى ايچنده اك كزیده طبقاتى بونلر اشغال ايدرلر . بناء عليه انتخابات طبيعى ،
منطقى اوله رق بونلر كله و نفعنه نديخه پذير اولور .

بوايضاحات او قدر طوغرودر كه مجلس مبعوثانده مسالك مختلفه نك صاغ

وصول طرف فرقه‌لینه صورت انقسامی تدقیق ایسه کز مقاولات محررلری ایله وکلای مصالحک اطبا ایله عینی طرفده حاز کثرت اولدقلرینی کوررسکیز .
(۱۷) نوتردن (۱۴) ی صول طرفده ویالکز (۳) ی صاعده در .

عددی طقوزه وارن وکلای مصالحدن جمله سی فرقه یساره منسوبدر .

محققدرکه بومسالك اربابی مجرد اراضی جسمیه اصحابک هجرت ورحلتي اوزرینه پارلمنتویه فرجه یاب دخول اولمشلردر .

اصحاب اراضینک حکم ونفوذلرینی محافظه ابتدکاری قرا ونواحیده ایسه اطبا ، مقاولات محررینی و وکلای مصالح خسته لره ، طولاره ، یتملره عرض معاونت وخدمتله متوغلدر . هرکس ده بوندن ممنوندر .

ملکیه مهندس لرندن اوزون اوزادی به بحثه لزوم کورمه یورم . ذاتاً فرانسه مجلس مبعوثاننده بونلرک مجموع مقداری یدی به منحصردر . بوده کوسترکه آنلرک موقع مسلکی یوقاریده ذکر ایتدی کمز مسالك اربابی کبی افکار همومیه بی جلب وتسخیر ایچون کندیلرینه برواسطه طبیعیه بخش ایتمز . بوکا مقابل غزته جیلرک مقداری پک کترتیدر اعضای موجوده دن (۵۹) ی غزته جیدر . عادتا اصحاب زراعت قدر . صنعتکاران وتجاردن ایسه پک چوق زیاده .

حال بوکه فرانسه ایچون غزته جیلرک مقدار لزومی زراعه معادل وارباب صنعت وتجارته فائق اولدینی ادعا ایدیله بیله چکنی ظن ایتم بوندن ماعدا غزته جیلر ایشلرک حسن جریاننده ، افکارک سکوت واطمئناننده ، تعبیر عمومی ایله حضور وآشایک دوامنده زراعت صنعت وتجارت اربابی قدر طوغرودن طوغروه علاقه دار کورنملر . غزته بالخاصه حادثات ایله یاشار . ادوار شور شده نسخ منتشره سی آرتار حتی سکون عامه بی الکیزیده سکنه دار ایده چک حوادثی بیوک حرفلره نشر واعلاز ایدر وبالعکس سکون وحضور عودت ایدنجه صایش دوشر اوزمان غزته برچاره یه ، منبعه مالکدرکه اوچاره یه توسلده ، اومنبعدن استفاده ده قصور ایتمز :

م . ا .

(دوام اولنه جقدر)